

解州全志目錄 本州

卷之一

星野

沿革

疆域 形勝 舖通附

卷之二

山川 水利 渠堰附

風俗

物產

卷之三

城池 村堡 坊里 橋梁附

壇廟

公署

卷之四

學校 書院 義學附

田賦 丁徭 雜課 鹽引附

戶口

倉儲

兵防

卷之五

職官

官績

卷之六

選舉

卷之七

選舉

附薦辟

貢生

例仕

例貢

武秩

封廕

卷之八

人物

卷之九

人物

卷之十

列女

卷之十一

古蹟 坊表 寺觀 林墓附

祥異

卷之十二

奏疏

卷之十三

藝文

卷之十四

藝文

卷之十五

藝文

卷之十六

藝文

卷之十七

藝文

卷之十八

雜志

解州全志卷之一 本州

星野

左傳遷實沈於大夏主參

國語實沉之墟晉人是居

史記晉之疆占於參伐

漢志魏地觜參之分野也其界自高陵以東盡河東河
內

晉天文志曰自畢十二度至井十五度爲實沈之次於
辰在申謂之涪灘於律爲仲呂斗建在巳今晉魏分
野

唐書天文志曰觜觿參伐實沈也初畢十度中參七度
終東井十一度自漢之河東上黨太原盡西河之地
古晉魏虞唐耿揚霍冀黎郇與西河戎狄之國西河
之濱所以設險限秦晉故其地上應天闕其南曲之
陰在晉地衆山之陽南曲之陽在秦地衆山之陰陰
陽之氣井故典東井通河東永樂芮城河北縣及河
曲豐勝夏州皆東井之分參伐爲戎索爲武政當河
東盡大夏之墟上黨次居下流與趙魏接爲觜觿之
分


前明清類分野書云自畢七度至井八度爲實沈之分

平陽府參分蒲絳吉隰霍解六州皆觜參分

按班氏天文志觜觿參益州其說本於春秋元命苞
介氏舊志以爲魏分晉地得河內河東數十縣與益
州渺不相接蒲州府志又力爲之辨謂是觜參益州
以星爲占且謂益州宜占井鬼而乃占觜參者以梁
蜀地當西南於魏晉同爲申位故亦得以觜參爲占
然不如左傳子產之言曰遷實沉於大夏主參之爲
確實也又晉志以河東入張一度介氏以爲此鶉火
之次與實沉自別蒲州府志亦謂張爲周星河東近
接陝洛其星度之鈎帶出入或相及焉要不得謂河

東兼有張分也則張一度之說又不辨而自明矣

參宿圖



丹元子步天歌


總有七星觜相侵兩肩雙足三爲心伐有三星足裏深
玉井四星右足陰屏星兩扇井南襟軍井四星屏上吟
左足下四天厠臨厠下一物天尿沉

占候

參十度上爲五星日月中道甘氏曰參爲忠良孝謹之
子明大則臣忠子孝安吉一日參伐一日大辰一日天
市一日鉄鉞又爲天獄又主權衡所以平理也又主邊
城爲九譯故不欲其動也參白虎之體其中三星橫列
三將也東北曰左肩主左將西北曰右肩主右將東南

曰左足主後將軍西南曰右足主偏將軍故黃帝占參
應七將中央三小星曰伐天之都尉也又曰七將皆明
天下兵精也玉井四星在參西下水象也屏二星在
玉井南屏爲屏風玉井東西四星曰軍井行軍之井也
軍井未達將不言渴名取此也又曰主軍營之事天廁
四星在屏東溷也天屎一星在廁南色黃則吉

觜宿圖



丹元子步天歌

三星相近作參榮觜上坐旗直指天尊卑之位九相連
司怪曲立坐旗邊四鵠大近井鉞前

占候

觜二度在參之右角如鼎足形主天之關明大則天下
安五穀熟隋志云觜觿爲三軍之候行軍之藏府主葆
旅收歛萬物明則軍儲盈將得勢動而明葆旅起張衡
云葆旅野生之可食者坐旗九星在司怪西北主別君
臣尊卑之位明則國有禮司怪四星在井鉞前候天地
日月星辰禽獸蟲蛇草木之變與天高同占

沿革

解州於虞夏時爲畿內地實冀州之域周武王封其

第十五弟於州北爲郇國

在州北三十五里一名郇瑕杜註河東解縣西

北有郇城

春秋時晉獻公滅魏以其地爲解梁城後又以賜大

夫畢萬

左傳惠公許秦河外五城內及解梁卽其地也

戰國時屬魏

秦始皇二十二年滅魏爲河東郡

西漢初置解縣屬河東郡

河東郡二十四縣解爲第四

武帝元封五年分天下爲十三部部置刺史各一

人解縣屬司隸校尉部河東郡

昭帝始元元年改屬并州刺史部新莽天鳳元年
改河東爲兆陽郡置州牧部監解縣屬州牧部監
兆陽郡

東漢光武建武元年解縣復屬京師司隸部河東郡
魏少帝正始八年以司隸所部三河宏農並冀州之
平陽合五郡置司州領之解縣屬司州河東郡

晉武帝太康元年分天下爲十九州省司隸仍置河

東郡解縣屬之

晉河東郡九
縣解爲第七

後魏析置安定縣西魏太和元年改曰南解縣隸秦